

**“Navoiy kon-metallurgiya kombinati” aksiyadorlik jamiyati tomonidan
“Atrof-muhitni asrash va “yashil” iqtisodiyot yili”da Respublika davlat dasturida
belgilangan vazifalarning ijrosi to‘g‘risida**

MA'LUMOT

(2025-yil 1-choragida)

O‘zbekiston Respublikasi Prezidentining 2025-yil 30-yanvardagi “Atrof-muhitni asrash va “yashil iqtisodiyot” yilida amalga oshirishga oid davlat dasturi to‘g‘risida”gi PF-16-sonli Farmoni bilan tasdiqlangan Respublika davlat dasturida “Navoiy kon-metallurgiya kombinati” AJ tomonidan bajarilishi lozim bo‘lgan 4 ta band o‘rin olgan. Unga ko‘ra, 2025-yilning o‘tgan 1-choragida:

1. Respublika davlat dasturining 4-ilovasi 6-bandida ko‘zda tutilgan “Navoiy kon-metallurgiya kombinati” AJda Mahalliyashtirish va import o‘rnini bosuvchi mahsulotlar turlarini ko‘paytirish” yo‘nalishida hisobot davrida 349,8 milliard so‘mlik mahalliyashtirilgan mahsulotlar ishlab chiqarilib, topshiriq ijrosi belgilangan rejaga nisbatan 100,3 foizga (o‘tgan yilga nisbatan 148,2 foiz) bajarildi.

Bu topshiriq ijrosi korxonada ishlab chiqilgan kon texnikasi va texnologik uskunalarni uchun import ehtiyot va butlovchi qismlarga bo‘lgan talablarni bosqichma-bosqich o‘zlashtirish reja-jadvaliga asosan olib borilayotgani va yil davomida mahalliyashtirish dasturi doirasida 1 364,4 milliard so‘mlik mahsulotlar ishlab chiqarish rejalashtirilgannini ma’lumot sifatida aytish mumkin.

2. Respublika davlat dasturining 4-ilovasi 8-bandida ko‘zda tutilgan “Yirik korxonalar tomonidan ESG hisobotlarini yuritish amaliyotini yo‘lga qo‘yish hamda jamoatchilikka oshkor qilish” yo‘nalishida hisobot davrida joriy yilning aprel oyida konsultant xizmatlari jalb etilishi uchun tegishli texnik topshiriq tayyorlanib, hozirda tegishli hujjatlar kelishilmoqda.

Yana shuni aytish joizki, joriy yil 1-iyulga qadar Barqaror rivojlanish (ESG) bo‘yicha hisobot tayyorlanib, korxonaning korporativ saytida yoritilishi rejalashtirilgan.

3. Respublika davlat dasturining 4-ilovasi 12-bandida ko‘zda tutilgan “Muruntov” konini o‘zlashtirishning investitsiya loyihasining navbatdagi bosqichlarini amalga oshirish” yo‘nalishida hisobot davrida “Navoiy kon-metallurgiya kombinati” AJ tomonidan ushbu loyihaning texnik-iqtisodiy asosi (TIA) ishlab chiqilib, ko‘rib chiqish va kelishish uchun O‘zbekiston Respublikasi Tog‘-kon sanoati va geologiya vazirligi Kon-metallurgiya va investitsiya loyihalari qo‘shma ilmiy-texnik Kengashiga 2025-yil 27-fevralda 147/01-02-12/2375-sonli xati bilan kiritildi.

4. Respublika davlat dasturining 16-ilovasi 28-bandida ko‘zda tutilgan “Atrof-muhitni muhofaza qilish va issiqxona gazlari tashlanmalarini kamaytirishga qaratilgan strategiyani amalga oshirish” yo‘nalishida hisobot davrida atmosfera havosini ustuvor ifloslantirish manbalaridan namunalar olish va tahlil qilish bo‘yicha 2 ta avtomatik stansiya hamda chang-gaz tozalash uskunalarni o‘rnatish va eskilarni almashtirish bo‘yicha chora-tadbirlar rejasi ishlab chiqilib, tasdiqlandi.

Shu bilan birga, avtomatik stansiyalarni xarid qilish uchun Davlat ekologik sertifikatlashtirish va standartlashtirish markazi bilan texnik topshiriq ishlab chiqishi uchun shartnoma imzolandi. Shuningdek, Iqlim strategiyasini ishlab chiqish maqsadida, texnik topshiriq ishlab chiqilib, xaridlar natijasi bo‘yicha iqlim strategiyasini ishlab chiqish uchun “Bezopasnost’ i kontrol” kompaniyasi va “Sapeco” kompaniyasi bilan

konsorsiumda jalb qilindi hamda shartnoma 2025-yil 3-martda imzolandi. Shunga ko'ra, hamkorlikda joriy yil oktabr oyiga qadar Iqlim strategiyasi ishlab chiqilishi rejalashtirilgan.

**“Navoiy kon-metallurgiya kombinati” AJ
Atrof-muhit muhofazasi bo'limi.**